

四庫全書

集部

欽定四庫全書

集部

文忠集卷

三五
七

詳校官庶吉士臣范逢恩

檢討臣何思鈞覆勘

總校官降調編修臣倉聖脉

校對官檢討臣錢世錫

謄錄監生臣王尚珏

欽定四庫全書

文忠集卷三

宋 歐陽修 撰

居士集三

古詩三十一首

啼鳥

窮山候至陽氣生百物如與時節爭官居荒涼草樹密

撩亂紅

一作亂紅殷

紫開繁英花深葉暗輝朝日日

一作暖

衆鳥皆嚶鳴鳥言我豈解爾意綿蠻但愛聲可聽南窓
睡多春正美百舌未曉催天明黃鸝顏色已可愛舌端
啞咤如嬌嬰竹林靜啼一作啼盡青竹笋深處不見惟聞聲

陂田遶郭白水滿戴勝穀穀催春耕誰謂鳴鳩拙無用
雄雌各自知陰晴雨聲瀟瀟泥滑滑草深苔綠無人行
獨有花上提葫蘆勸我沽酒花前傾其餘百種各嘲啗
異鄉殊俗難知名我遭讒口身落此每聞巧舌宜可憎
春到山城苦寂寞把盞常恨無娉婷花開鳥語輒自醉

醉與花鳥為交

一作友

朋花能嫣然顧我笑鳥勸我飲非

無情身閒酒美惜光景惟恐鳥散花飄零可笑靈均楚
澤畔離騷憔悴獨愁醒

遊瑯琊山

南山一尺雪雪盡山蒼然澗谷深自暖梅花應已繁使
君厭騎從車馬留山前行歌招野叟共步青林間長松
得高蔭盤石堪醉眠止樂聽山鳥攜琴寫幽泉愛之欲
忘返但苦世俗牽歸時始覺遠明月高峰巔

讀徠徠集

徠徠魯東山石子居山阿魯人之所瞻子與山嵯峨今
子其死矣東山復誰過精魄已埋沒文章豈能磨壽命
雖不長所得固已多舊藁偶自錄滄溟之一蠹其餘誰
付與散失存幾何存之警後世古鑑照妖魔予生誠多
難憂患靡不懼音宦學三十年六經老研摩問胡所專
心仁義丘與軻揚雄韓愈氏此外豈知他尤勇攻佛老
奮筆如揮戈不量敵衆寡膽大身么麼往年遭母喪泣

血走岷峨垢面跣雙足鋤犁事田坡至今鄉里化孝悌
勤蠶禾昨者來太學青衫踏朝靴陳詩頌聖德厥聲續
猗那羔鴈聘黃晞晞驚走鄰家施為可怪駭世俗安委
蛇謗口由此起中之若飛梭上賴天子聖不挂網者羅
憶在太學年大雪如翻波生徒日盈門飢坐列鴈鶩絃
誦聒鄰里唐虞賡詠歌常績最高第騫游各名科豈止
學者師謂宜國之皤天壽反仁鄙誰尸此偏頗不知叟
叟者又忍加詆訶聖賢要久遠毀譽暫諠譁生為舉世

疾死也

一作者

魯人嗟作詩遺魯社祠子以為歌

大熱二首

四時成萬物寒暑迭鈞陶壯陽當用事大夏蒸炎歊造
化本無情怨咨徒爾勞身微天地濶四顧無由逃九門
闔闔開萬仞崑崙高積雪寒凜凜清風吹寥寥嗟我雖
欲往而身無羽毛

陽暉爍四野萬里纖雲收羲和困路遠正午當空留枝
條不動影草木皆含愁深林虎不嘯卧喘如吳牛蜩蟬

一何微嗟爾徒啾啾

幽谷泉

踏石弄泉流尋源入幽谷泉傍野人家四面深篁竹溉
稻滿春疇鳴渠遠茅屋生長飲泉甘蔭泉栽美木潺湲
無春冬日夜響山曲自言今白首未慣逢朱轂顧我應
可怪每來聽不足

百一作子坑賽龍

嗟龍之智誰可拘出入變化何須臾壇平樹古潭水黑

沉沉影響疑有無
四山雲霧忽晝合
瞥起直上擎空虛
龜魚帶去半空落
雷輞雷走先後驅
傾崖倒澗聊一戲
頃刻萬物皆涵濡
青天却掃萬里靜
但見綠野如雲敷
明朝老農拜潭側
鼓聲坎坎鳴山隅
野巫醉飽廟門闔
狼籍烏鳥爭殘餘

憎蚊

擾擾萬類殊可憎
非一族甚哉蚊之微
豈足污簡牘乾
坤量廣大善惡皆含育
荒一作荒荒三五前民物交相黷

禹鼎象神姦蛟龍遠潛伏周公驅猛獸人始居川陸爾
來千百年天地得清肅大患已云除細微遺不錄蠅蚋
蚤虱蟻蜂蝎虻蛇蝮惟爾於其間有形繞一粟雖微無
奈衆雖小難防毒嘗聞高郵間猛虎死凌辱哀哉露筋
女萬古讎不復水鄉自宜爾可怪窮邊俗晨飡下帷幃
盛暑泥駒犢我來守窮山地氣尤卑溽官閒懶所便惟
睡宜偏足難堪爾類多枕席厭綠撲燻簷一作苦烟埃
燎壁疲照燭荒城繁草樹旱氣飛炎熇羲和驅日車當

午不轉轂清風得夕涼如赦脫囚梏掃庭露青天坐月

陰嘉木汝寧無他時

一作日

忍此見

一作見此

迫促翾翾伺昏

黑稍稍出壁屋填空來若翳聚隙多可掬叢身疑陷圍

聒耳如遭哭猛攘欲張拳暗中甚

一作疑

飛鏃手足不自

救其能營背腹盤飡勞扇拂立寐僵童僕端然窮百計

還坐瞑雙目於吾固不較在爾誠為酷誰能推物理無

乃乖人欲騶虞鳳皇麟千載不一矚思之不可見惡者

無由逐

重讀徂徠集

我欲哭石子夜開徂徠編開編未及讀涕泗已漣漣

盡三四章收淚輒忻懽切切

一作昭昭
一作昭晰

善惡戒丁寧仁

義言如聞子談論疑子立我前乃知長在世誰謂已

一作

子沉泉昔也人事乖相從常苦艱今而每思子開卷子

在顏我欲貴子文刻以金玉聯金可爍而銷玉可碎非

堅不若書

一作傳

以紙六經皆紙傳但當書百本

一作傳
十以為

百傳百以為千或落於四方或藏在

一作於

深山待彼謗

焰一作艷熄放此光芒懸人生一世中長短無百年無窮

在其後萬世在其先得長多幾何得短未足憐惟彼不可朽名聲文行然讒誣不須辯亦止百年間百年後來者憎愛不相緣公議然後出自然見媿妍孔孟困一生毀逐遭百端後世苟不公至今無聖賢所以忠義士恃此死一作輕死此不難當子病方革諉辭正騰喧衆人皆欲殺聖主獨保全已埋猶不信僅免斲其棺此事古未有每思輒長嘆我欲犯衆怒為子記此冤下紓冥冥念仰

叫昭昭天書於蒼翠石立彼崔嵬巔詢求子世家恨子
兒女頑經歲不見報有辭未能銓

一作詮

忽開子遺文使

我心已寬子道自能久吾言豈須鑄

汝癭答仲儀

一作答王素汝癭

君嗟汝癭多誰謂汝土惡汝癭雖云苦汝民居自樂鄉
閭同飲食男女相媒妁習俗不為嫌譏嘲豈知忤汝山

西南險平地猶磽确

一作确磽一作磽确一作磽确

汝樹生擁

一作癭腫

根株浸溪壑山川固已然風氣宜其濁接境化襄鄧餘

風被伊維思予昔曾遊所見可驚愕嗻嗻聞語笑纍纍
滿城郭偃婦懸甕盎嬌嬰包卵殼無由辨肩頸有類龜
縮殼噫人稟最靈反不如鳧鶴駢枝雖形累小小固一作

故可略癰瘍暫畜聚決潰終當涸贅疣附支體幸或不
為虐未若此巍然所生非所託咽喉繫性命鍼石難破

一作削農皇古神聖為世名百藥豈不有方書頑然莫

銷爍一作温湯汝靈泉亦不能湔淪居官雖謫居政可

瘳一作療一作民瘼奈何不哀憐而反恣訶謔文辭騁新工醜

怪極名貌汝士雖多奇汝女少纖弱翻思太守晏誰與
唱清角乖離南北殊魂夢山陂邈握手未知期寄詩一作

書聊一喙

滄浪亭

一本上云
寄題子美

子美寄我滄浪吟邀我共作一作賦滄浪篇滄浪有景不

可到使我東望心悠然荒灣野水氣象古高林翠阜相

回環新篁抽笋添夏影

一作景

老枿亂發爭春妍水禽閒

暇事高格山鳥日夕相啾喧不知此地幾興廢仰視喬

木皆蒼煙堪嗟人迹到不遠雖有來路曾無緣窮竒極
怪誰似子搜索幽隱探神仙初尋一逕入蒙密豁目異
境無窮邊風高月白最宜夜一片瑩淨鋪瓊田清光不

辨水與月但見空碧涵漪漣

一有姑蘇臺邊人響絕
夜靜往往聞鳴船兩句清

風明月本無價可惜祗賣四萬錢又疑此境

一作景天乞

與壯士憔悴天應憐鴟夷古亦有獨往江湖波濤渺翻

天崎嶇世路欲脫去反以身試蛟龍淵豈如

一作知扁舟

任飄瓦紅渠綠浪搖醉眠丈夫身在豈長弃新詩美酒

一作詩
新酒美 聊窮年雖然不許俗客到莫惜佳句人間傳

寶劍

寶劍匣中藏暗室夜常

一作尚

明欲知天將雨錚爾劍有

聲神龍本一物氣類感則鳴常恐躍匣去有時暫開鑄

疑止當
作高

煌煌七星文照耀三尺冰此劍在人間百妖夜

收形姦兇與佞媚膽破骨亦驚試以向星月飛光射攬
搶藏之武庫中可息天下兵奈何狂胡兒尚敢邀金繒

秋晚凝翠亭

探韻作

黃葉落

一作落
葉滿

空城青山遶官廨風雲淒已高歲月驚

何邁陂田寒未收野水淺生派晴林紫榴坼霜日紅梨
曬蕭疎喜竹勁寂寞傷蘭敗叢菊如有情幽芳慰孤介
嘉客日可携寒醅美新醪登臨無厭頻冰雪行即屆

菱溪大

一本無
大字

石

新霜夜落秋水淺有石露出寒溪垠苔昏土蝕禽鳥啄
出沒溪水秋復春溪邊老翁生長見疑我來視何殷勤
愛之遠徙向幽谷曳以三犢載兩輪行穿城中罷市看

但驚可怪誰復珍
荒烟野草埋沒久
洗以石竇清冷泉

朱欄綠竹相掩映

選一
遊作

致佳處當南軒
南軒旁列千

萬峯曾未有此竒
嶙峋乃知異物世
所少萬金爭買傳
幾人山河百戰變
陵谷何為落彼荒
溪濱山經地誌不

可究遂令異說爭
紛紜皆云女媧初
鍛鍊融結一氣凝

精純仰視蒼蒼補
其缺染此紺碧瑩
且温或疑古者燧

人氏鑽以出火為
炮燔苟非神聖親
手迹不爾孔竅

一作

穴誰雕刻又云漢
使把漢節西北萬
里窮崑崙行經于

闡得寶玉流入中國隨河源沙磨水激自穿穴所以鑄
鑿無瑕痕嗟予有口莫能辯歎息但以兩手捫盧仝韓
愈不在世彈壓百怪無雄文爭奇闕異各取勝遂至荒
誕無根原天高地厚靡不有一作好醜萬狀奚足論惟
當掃雪席其側日與嘉客陳清罇

送姜秀才遊蘇州

憶從太學諸生列我尚弱齡君秀發同時並薦幾存亡
一夢十年如倏忽壯心君未減青春多難我今先白髮

山花撩亂鳥綿蠻更盡一罇明日別

送孫秀才

高門煌煌赫如赭勢利聲名爭借假

一作借假

嗟哉子獨不

顧之訪我千山一羸馬明珠渡水覆舟失贈我璣貝猶

滿把

生攜文數十篇
見訪渡江而失

遲遲顧我不欲去問我無窮慚報

寡時之所棄子獨嚮無乃與世異取捨

新霜二首

天雲慘慘秋陰薄卧聽北風鳴屋角平明驚鳥四散飛

一夜新霜群木落南山鬱鬱舊可愛千仞巉巖如刻削
林枯山瘦失顏色我意豈能無寂寞衰顏得酒猶彊發
可醉豈須嫌酒濁泉傍菊花芳爛熳短日寒輝相照灼
無情木石尚須老有酒主人何不樂

荒城草樹多陰暗日夕霜雲意濃淡長淮漸落見洲渚

野潦初清

一作
晴

收澌灑蘭枯蕙死誰復吊殘菊籬根爭

豔豔青松守節見臨危正色凜凜不可犯芭蕉芰荷不
足數狼籍徒能污池檻時行收斂歲將窮冰雪嚴凝從

此漸咿啾兒女感時節
愛惜朱顏屢窺鑑
惟有壯士獨
悲歌拂拭塵埃磨古劍

豐樂亭小飲

造化無情不擇物
春色亦到深山中
山桃溪杏少意思

一作有
誰顧

自趁時節開
春風看花遊
女不知醜
古粧野態

爭花紅人生行樂在

一作
當

勉強有酒莫負瑠珣鍾
主人

勿笑花與人
嗟爾自是花前翁

四月九日幽谷見緋桃盛開

經年種花滿幽谷花開不暇把一枝

一作枝

人生此事尚

難必况欲功名書鼎彛深紅淺紫看雖好

一作美

顏色不

奈東風吹緋桃一樹獨後發意若待我留芳菲清香嫩

藥含不吐日日怪我來何遲無情草木不解語向我有

意偏依依羣芳落盡始爛熳榮枯不與衆艷隨念花意

厚何以報惟有醉倒花東西盛開比落猶數日清

一作芳

樽尚可三四攜

秋懷二首寄聖俞

一本擬孟郊體秋懷

孤管叫秋月清砧韻霜風天涯遠夢歸

一作歸
遠夢

驚斷山

千重羣物動已息百憂感從中日月矢雙流四時環無

窮隆隆夷老物摧折壯士胸壯士亦何為素絲悲青銅

羣木落空原南山高巖從巉巖想詩老瘦骨寒愈聳詩

老類秋蟲吟秋聲百種披霜

一作
芳

掇孤英泣古弔荒冢

琅玕叩金石清響聽生悚何由幸見之使我滌煩冗飛

鳥下東南音書無日捧

希真堂東

一本無
東字

手種菊花十月始開

當春種花惟恐遲我獨種菊君勿諂春枝滿園爛張錦

風雨須臾落顛倒看多易厭情不專鬪紫誇紅隨俗好

豁然高秋天地肅百

一作萬

物衰零誰暇弔君看金藥正

芬敷曉日浮霜相照耀

一本有後時寧與作妬榮媚世不爭桃李笑兩句

煌煌

正色秀可餐靄靄清香寒愈峭高人避喧守幽獨淑女

靜

一作靄

容修

一作羞

窈窕方當搖落看轉佳慰我寂寥何

以報時攜一樽相就飲如得貧交論久要我從多難壯

心衰迹與世人殊靜躁種花勿

一作不

種兒女花老大安

能逐年少

拒霜花

芳菲能幾時顏色如自愛鮮鮮弄霜曉
裊裊含風態蕙
蘭隕秋香桃李媚一作嬌春醉時節雖不同盛衰終一致

莫笑黃菊花籬根守憔悴

懷嵩樓晚飲示徐無黨無逸

一本作奉和徐生見
示懷嵩樓晚飲一本

無見
示字

滁山不通車滁水不載舟舟車路所窮嗟誰肯來遊念

非吾在此二子來何求不見忽三年見之忘百憂問其
別後學初若繭緒抽縱橫漸組織文章爛然浮引伸無
窮極卒斂以軻丘少進日如此老退誠可羞弊邑亦何
有青山老城樓泠泠谷中泉吐溜彼一作山幽石醜駭

溪怪天竒瞰龍湫子初如可樂久乃歎以傲云此譬圖

畫暫看已宜收荒涼

一作村

草樹間暮館南城陬破屋仰

見星窓風冷如鈹歸心中夜起輾轉卧不周我為辦酒
肴羅列蛤與蚌酒酣微探之仰笑不領頭曰余非此儂

又不負譴尤自非世不容安事此為囚幸以主人故崎
嶇幾摧輶一來勤已多而况欲久留我語頓遭屈顏慚
汗交流川塗水已壯霰一作霜雪行將稠羨子兄弟秀雙
鴻翔高秋噉噉飛且鳴歲暮憶南州飲子今日歡重我
明日愁來貶辱已厚贈言媿非酬

瑯琊山六題

歸雲洞

洞門常自一作似

一作似

起烟霞洞穴傍穿透谿谷朝看石上片

雲陰夜半山前春雨足

瑯琊谿

空山雪消谿山漲遊客渡谿橫古槎不知谿源來遠近
但見流出山中花

石屏路

石屏自倚浮雲外石路久無人迹行我來攜酒醉其下
卧看千峯秋月明

班春亭

信馬尋春踏雪泥醉中山水弄清輝野僧不用相迎送
乘興閒來興盡歸

庶子泉

庶子遺踪留此地寒崑徙倚弄飛泉古人不見心可見
一片清光長皎然

惠覺方丈

青松行盡到山

一作松

門亂峯深處開方丈已能晏坐老

山中何用聲名傳海上

文忠集卷三

欽定四庫全書

文忠集卷四

宋 歐陽修 撰

居士集四

古詩二十四首

贈無為軍李道士二首

名景山

無為道士三尺琴中有萬古無窮音音如石上瀉流水
瀉之不竭由源深彈雖在指聲在意聽不以耳而以心

心意既得形骸忘不覺天地白日愁雲陰

李師琴紋

一作形

如卧蛇一彈使我三咨嗟五音商羽主

蕭殺颯颯坐上風吹沙忽然黃鐘回暖律當冬草木皆
萌芽郡齋日午公事退荒涼樹石交相加李師一彈鳳
凰聲空山百鳥停嘔啞我怪李師年七十面目明秀光
如霞問胡以然

一作試問胡以然

笑語我慎勿辛苦求丹

砂惟當養其根自然熺其華

一本無上二句

又云理身如理琴

正聲不可干以邪我聽其言未云足野鶴何事還思家

抱琴揖我出門去獵獵歸袖風中斜

拜赦

一作勅

拜赦

一作勅

古州南山火明烈烈州人共喧喧兩州扶白

髮丁寧天語深曠蕩皇恩潤乃知天地施幽遠無間別
欣欣草木意喜氣消殘雪

彈琴效賈島體

古人不可見古人琴可彈彈為

一作琴門

古曲聲如與

一作聞

古人言琴聲雖可聽琴意誰能論橫琴置牀頭當午曝

背眠夢見一丈夫嚴嚴古衣冠登牀取之坐

一作我琴

調作

南風絃一奏風雨

一作南

來再鼓變雲烟鳥獸盡嚶鳴草

木亦滋蕃乃知太古時未遠可追還方彼夢中樂心知

口難

一作難口

傳既覺失其人起坐涕洟瀾

酬學詩僧惟晤

詩三百五篇作者非一人羈臣與弃

一作賤

妾桑濮乃淫

奔其言苟

一本亦作或

可取疵雜不全純子雖

一作之

為佛徒

未易廢其言其言在合理但懼學不臻子佛

一作之

與吾

儒異轍難同輪

一作共輪

子何獨吾慕自忘夷其身苟能知

所歸固有路自新誘進或可至拒之誠不仁維詩與文

章太山一浮座又如古衣裳組織

一作繡

爛成文拾其裁

剪餘未識袞服尊嗟子學雖

一作已

勞徒自苦骸筋

一作自遠

涉江

勤勤袖卷軸一歲三及門惟

一作何

求一言榮歸以

耀

一作輝

其倫與夫榮其膚不若啓

一作若習

其源韓子亦

嘗謂收歛加

一作以

冠巾

別後奉寄聖俞二十五兄

一本作叙別寄聖俞兼酬進道堂夜話見寄之

作

長河秋雨多夜牖寒潮

一作湖

入歲暮孤舟遲客心飛鳥

急君老忘卑窮文字或綴緝余生苦難阨

一作拙

世險蹈

已習離合二十年乖睽多聚集常時飲酒別今別輒飲

泣君曰吾老矣不覺兩袖濕我年雖少君白髮已揖揖

即入反

憶初京北門送我馬暫立自茲遭檻穿一落誰引

汲顛危偶脫死藏竄甘自紮

一作紮

但令身尚在果得手

重執聞來喜迎前貌改驚作揖別離纔幾時舊學廢百

十殘章

一作編

與斷藁草草各收拾空窓

一作堂

語青燈夜

雨聽霏霏

一作灑

明朝解舟南路翼縱莫戢還期明月飲

幸此中秋及酒酣弄篇章四坐困供給歡言正喧譁別

意忽於邑日暮北亭上濁醪聊

一作

共挹輕

一作歸橈動

翩翩晚水明熠熠行心

一作翕前

去誰迫訣語出猶澁歸來

錄君詩卷軸多觶觶誰

一作雖

云已老矣意氣何業爰惜

我方壯時千里足常馮知之莫予深力不足呼吸歎吁

偶成篇聊用綴君什

紫石屏歌

一本作月石硯
屏歌寄蘇子美

月從海底來行上天東南正當天中時下照千丈潭潭
心無風月不動倒影射入紫石巖月光水潔石瑩淨

一作

徹感此陰魄來中潛自從月入此石中天有兩曜分為

三清光萬古不磨滅天地至寶難藏緘天公呼雷公夜
持巨斧隳巖隳此一片落千仞皎然寒鏡在玉匣蝦

蟄白兔走天上空留桂影猶杉杉

一作
毯毯

景山得之

一作
號州

刺惜不得贈我意與

一作
比

千金兼自云每到月滿時石

在暗室光出簷大哉天地間怪物難悉談嗟予不度量
每事思窮探欲將兩耳目所及而與造化爭毫纖煌煌
三辰行日月尤尊嚴若令下與物為比去聲擾擾萬類將
誰瞻不然此石竟何物有口欲說嗟如鉗吾竒一作蘇

子胸羅列萬象中包含不惟胸寬膽亦大屢出言語驚
愚凡自吾得此石未見蘇子心懷慚不經老匠先指訣
有手誰敢施鑄鑿呼工畫石持寄似一作此幸子留意其

無謙

聚星堂前紫薇花

亭亭紫薇花向我如有意高烟晚溟濛清露晨點綴豈
無陽春月所得時節異靜女不爭寵幽姿如自喜戲音將
期誰顧眄獨伴我憔悴而我不強飲繁英行亦墜相看
兩寂寞孤詠聊自慰

獲麟贈姚闢先輩

世已無孔子獲麟意誰知我嘗為之說聞者未免非而
子獨曰然有如墮應筦惟麟不為瑞其意乃可推春秋

二百年文

一作辭

約義甚夷一從聖人沒學者自為師崢

嶸衆家說平地生嶮巖相沿益迂怪各關出新奇爾來

千餘歲

一作千載餘
一作千歲餘

舉世不知迷焯哉聖人經照耀萬

世疑自從蒙衆說日月遭蔽虧常患無氣力掃除浮雲

披還其自然光萬物皆見之子昔已好古此經手常持

超然出衆見不為俗牽卑近又脫賦

一作賦

格飛黃擺銜

羈聖門開大道夷路肆騰嬉便可勦衆說旁通

一作異端塞

多歧正途趨

一作常

簡易慎勿事嶮崎著述須待老積勤

宜少時苟思垂後世大禹尚胼胝顧我今老矣兩瞳一作

目一作眼

蝕昏眇大書難久視心在力已衰因思少自棄今

縱悔何追戒我以勉乎臨文但吁嘻

喜雨

大雨雖霧霈隔轍分晴陰小雨散浸淫為潤廣且深浸

淫苟不止利澤何窮已無言雨大小一作言雨大小異小雨農

尤喜宿麥已登實新禾未抽秧一作穗及時一日雨終歲

飽豐穰夜響流霖霖晨暉霽蒼涼川源淨如洗草木自

生光童稚喜瓜芋耕夫望陂塘誰云田家苦此樂殊未
央

飛蓋橋翫月

一本題上有
六月十四夜

天形積輕清水德本虛靜雲收風波止始見天水性澄
光與粹容上下相涵映乃於其兩間皎皎掛寒鏡餘暉
所照曜萬物皆鮮瑩矧夫人之靈豈不醒視聽而我於

此時脩

一作
脩

然發孤詠紛昏忻洗滌俯仰悉涵泳

一本
無上

二人心曠而閒月色高愈

一作
適

迴惟恐清夜闌時時瞻

斗柄

竹間亭

啾啾竹間鳥日夕相嚶鳴悠悠水中魚出入藻與萍水
竹魚鳥家伊誰作斯亭翁來無車馬非與彈弋并潛者
入深淵飛者散縱橫奈何翁屢來浪使飛走驚忘爾榮
與利脫爾冠與纓還來尋魚鳥傍此水竹行鳥語弄蒼
翠遊魚翫清澄而翁乃何為獨醉還自醒三者各自適
要歸亦同情翁乎知此樂無厭日來登

答呂公著見贈

一本作奉答通判太傅
為予不飲見贈之作

晉人歌蟋蟀孔子錄於詩因知聖賢心豈不惜良時行
樂不及早朱顏忽焉衰馳光如駿裏一去不可追今也
不彊飲後雖悔奚為三年謫永陽陷穽不知危種樹滿
幽谷疏泉瀉清池新陽染山木撩亂發枯枝無人歌青

春自酌白玉卮今者荷寬宥

一作
思乞一作
得

州從爾宜西

湖舊已聞既見又過之菡萏間紅綠鴛鴦浮渺瀰四時

花與竹樽俎

一作
酒

動可隨况與賢者同薰然襲

一作
蘭

芝醪醅寒且醪清唱婉而遲

一作奇

四坐各已醉臨觴獨

何疑昔人逢麴車流涎尚垂頤况此盃中趣久得樂無

涯多憂衰病早心在良可噫

一作嘻

譬若卧櫪馬聞聲

一作

鼓

尚鳴悲春膏已動脉

一作忽已動

百卉漸歲蕤丹砂得新

方舊疾庶可治尚可執鞭弭周旋以忘疲

送滎陽魏主簿

廣一本作送魏廣

卓犖東

一作魏

都子姓名間十年窮冬雪塞空千里至我

門子足未及闔我衣驚倒顛僕童

一作童僕

相視疑察吏或

不然俛首鵲鶴啄進趨鳧鴈聯青衫靴兩

一作兩靴

脚言色

倩

一作情

以溫於公門豈少乃獨得公懽受知固不易知

士誠尤難我思屈童吏欲辯難以言觴豆及嘉節高堂
列羣賢文章看落筆論議馳後先破石出至寶決高瀉

長川光暉相磨晻浩渺肆波瀾察吏媿我嘆僕童

一作童僕

恪生顏我顧寮吏嘻士豈以此觀此聊為戲耳以驚僕

童

一作童僕

昏士欲見其守視其居賤貧欲知其所趨試以

義利干我始識其面已窺其肺肝禮有來必往木瓜報

琅玕十年思見之一日捨我還何以慰離居贈子以短
篇

青松贈林子

國華 一本作
贈林國華秘枝

青松生而直繩墨易為功

一作
攻

良玉有天質少加

一作
假

磨與礪子誠懷美材

一作君實
有美才

但未遭良工養育既堅

好英華充厥中於誰以成之益韓荀暨雄

人日聚星堂燕集探韻得豐字

汙池以其下衆流之所鍾尺水無長瀾蛟龍豈其容顧

予誠鄙薄羣俊枉高蹤得一不為少雖多肯辭豐譬如
登圓壇羅列壁與琮又若響鈞天左右間笙鏞文章爛
照耀應和相撞春而予處其間眩晃不知從退之亦嘗
云青蒿倚長松新陽發羣枯生意漸丰茸暮雪浩
一作皓
方積醜醜寒更濃毋言輕此樂此樂難屢逢

橄欖

五行居四時維火盛南訛炎焦陵木氣橄欖得之多酸
苦不相入初爭久方和霜苞入中州萬里來江波幸登

君子席得與衆果羅中州衆果佳珠圓玉光瑳媿茲微
陋質以遠不見訶錫飴兒女甜遺味久則那良藥不甘
口厥功見沉疴忠言初厭之事至悔若何世已無採詩
詩成為君哦

鸚鵡螺

大哉滄海何茫茫天地百寶皆中藏牙鬚

一作鬚

甲角爭

光銼腥風怪雨灑幽荒珊瑚玲瓏巧綴裝珠宮貝闕爛
煌煌泥居殼屋細莫詳紅螺行沙夜生光

一本作珠宮
貝闕爛煌煌

泥居殼室細莫詳珊瑚玲瓏巧綴裝
腥風怪雨灑幽荒紅螺行沙夜生光

負材自累遭剗腸

匹夫懷璧古所傷濃沙剝蝕隱文章

一本注胡人謂硯砂為濃沙出本草

磨以玉粉綠

一作鉛

金黃清罇旨酒列華堂隴鳥回頭思

故鄉美人清歌蛾眉揚一醕凜冽回

一作為

春陽物雖微

遠用則彰一螺千金價誰量豈若泥下追含漿

食糟民

田家種糯官釀酒權利秋毫升與斗酒沽得錢糟棄物

一作不棄

大屋經年堆欲朽酒醅澆澆如沸湯東風來吹酒

麩香粳粳與瓶惟恐不得嘗官沽味濃村酒薄日飲
官酒誠可樂不見田中種糯人釜無糜粥度冬春還來
就官買糴食官吏散糴以為德嗟彼官吏者其職稱長
民衣食不蠶耕所學義與仁仁當養人義適一作識宜言
可間達力可施上不能寬國之利下不能飽爾一作民之
飢我飲酒爾食糴爾雖不我責我責何由逃

送焦千之秀才

焦生獨立士勢利不可恐誰言一身窮自待九鼎重有

能揭之行可謂仁者勇呂侯

一作

相家子德義勝華寵

焦生得其隨道合若膠鞏始生及吾門徐子喜驚踊曰

此難致寶一失何由踵自吾得二生

一作子

粲粲獲雙珙

奈何奪其一使我意紛蕪吾嘗愛生材抽擢方鬱翁

音委

勇反一作翁

猶須老霜雪然後見森聳况從主人賢高行可

傾竦讀書趨簡要言說去雜冗新文時我寄庶可蠲煩

雍

伏日贈徐焦二生

一本作徐焦二子伏日遊西湖余以病不能往因以贈之

徐生純明白玉璞焦子皎潔寒泉冰清光瑩爾互輝映

當暑自可消炎蒸平湖綠波漲渺渺高榭

一作樹

古木陰

層層嗟哉我豈不樂此心雖欲往身未能俸優食飽力

不用官間日永

一作心樂

睡莫興不思高飛慕鴻鵠反此愁

卧償蚊蠅三年永陽子所見山林自放樂可勝清泉白

石對斟酌巖花野鳥

一作草

為交朋崎嶇澗谷窮上下追

逐猿狖爭超騰

一作附

酒美賓佳足自負飲酣氣橫猶驕

矜奈何垂離纜幾日蒼顏非舊白髮增彊歡徒勞歌且

舞勉飲寧及合與升行指眼眇一作旋看物坐見樓閣

先愁登頭輕目明脚力健羨子志氣將飄凌只今心意

已如此終竟事業知一作何稱少壯及時宜努力老大

無堪還可惜

寄生槐

一本題上有答
張推官庭檜

檜惟凌雲材槐實九木賤奈何柔脆質累此孤高榦龍
鱗老蒼蒼鼠耳光粲粲因緣初莫原感咤徒自嘆偷生
由附託得勢爭慈菴方其榮盛時曾莫見真贗欲知窮

悴節宜試以霜霰萌芽起微蘖辨別垂先見剪除初非
難長養遂成患雖然根性殊常恐枝葉亂惟應植者深
幸不習而變含容固有害勦絕須明斷惟當審斤斧去
惡無傷善

韓公

一本公
作定州

閱古堂

兵閒四十年士不識金革水旱數千里流民誰壑關公
初來視之嘻此乃予責將法多益辦萬千由十百整齊
一作談笑間進退有寸尺曰此易為耳在吾繩與墨天
容

成而地出古所重民食貯儲非一朝人命在旦夕惟茲

將奈何敢不竭吾力木牛尚可運玉罄

一作罄

猶走糴因

難乃見才不止將有得公言初未信終歲考成績驕情
識恩威謳吟起羸瘠獯豸著行伍倉廩飽堆積文章娛

閒暇

一作弄
閒散

傳記尋

一作觀

往昔英英文與武粲粲圖四

壁酒令列諸將談鋒摧辯客周旋顧視間是不為無益

循吏一州守將軍萬夫敵於公豈止然事業本夔稷富

壽及黎庶威名懾遠國當歸廟堂上有位久

一作况

虛席大

匠不揮斧衆工隨指畫從容任羣材文武各以職

永州萬石亭

寄知永州王願一本上有寄題注云柳子厚亭

天於生子厚稟予獨艱哉超凌驟拔擢過盛輒傷摧苦

其危慮

一作厲

心常使鳴聲哀投以空曠地縱橫放天才

山窮與水險下上極沿洄故其於文章出語多崔嵬人

迹所罕到遺蹤久荒頽王君好奇士後二百年來翦薙

發幽薈搜尋得瓊瑰感物不自貴因人乃為材誰知古

可慕豈免今所咤我亦竒子厚開編每徘徊作詩示同

好為我銘山隈

文忠集卷四

欽定四庫全書

文忠集卷五

宋 歐陽修 撰

居士集五

古詩一十八首

答原父

一作答
劉廷評

炎歊鬱然蒸，午景熾方燄。子來清風興，蕭蕭吹几簾。又
如沃瓊漿，遽飲不知厭。嗟予學苦晚，白首困鉛槧。危疑

奚

一作何

所質孔孟久已寔羣儒室自私惟子通且贍幸

時丐羸餘屢得飽飢歎嚴嚴

一作落落

春秋經大法誰敢覘

一本有譬如天之蒼乃欲學而染兩句

三才失綱紀

一作紀綱

五代極昏墊盜

竊恣肱

一作發

篋英雄爭奮劔興亡兩倉卒事迹多遺欠

一作敗

纔能紀成敗豈暇誅姦僭聞見患孤寡

一作陋

是非

誰證驗嘗欣同好惡遂乞指瑕玷反蒙華袞褒如譽嫫

母豔救非當在早已暴

一作暴惡

何由斂苟能哀癢痼其可惜

針砭風胎或許邀湖綠方灑灑

蟲鳴

落葉秋水冷衆鳥聲已停陰氣入墻壁百蟲皆夜鳴蟲
鳴催歲寒唧唧機杼聲時節忽已換壯心空自驚平明
起照鏡但畏白髮生

奉答子華學士

一作答
韓絳

安撫江南見寄之作

一本
無下

四字

百姓病已久一言難遽陳良醫將治之必究病所因天
下久無事人情貴因循優游以為高一作寬縱以為仁

今日廢其小皆謂不足論明日畏其大又云力難振旁
窺各陰拱當職自逡巡歲月侵墮頽紀綱遂紛紜坦坦
萬里疆蚩蚩九州民昔而安且富今也迫以貧疾小不
加理浸淫將徧身湯劑乃常藥未能去深根鍼艾有竒
功暫痛勿吟呻痛定肢體胖乃知鍼艾神猛寬相濟理
古語六經存蠹弊革僥倖濫官絕貪昏牧羊而去狼未
為不仁人俊人沉下位惡去善乃伸賢愚各得職不治
未之間此說乃其要易知行每艱遲疑與果決利害反

掌間捨此欲有為吾知力徒煩家至與戶到飽飢而衣

寒三王所不能豈特今所

一作獨
今為

難我昔忝諫列日常

趨紫宸聖君堯舜心閔閔極憂勤子華當來時玉音耳

嘗親上副明主意下寬斯人屯江南彼一方巨細到可

詢

一作
論

諭以上恩德當冬反陽春我言乃其概豈

一作
非

止一方云

送張洞推官赴永興經略司

一本云送張
推官掌機宜

自古天下事及時難必成為謀於未然聰者或莫聽患

至而後圖智者有不能未遠前日悔可為來者銘熙熙

彼西人老死織與耕狂狴

一作

一朝叛烽火四面驚用

兵五六年首惡竟逃刑仰賴天子聖乾坤量包并苗頑

不率德舜羽舞于庭謂此雖異類有生亦含情藩籬被

觸突譬若豨與羶馴擾以芻豢可呼隨指令稱藩效臣

職冠帶復人形四海得休息瘡痍肉新生敢問前孰失

恃安而弛兵酒肴為善將循默乃名卿慮患謂生事高

談笑難行一方兵遽起愚智共營營上煩天子仁盱食

憂吾氓謀議及臺阜幽棲訪巖扃小利不足為涓流助
滄溟大功難速就倉卒始改更徒自益紛擾何由集功
名乃知深遠畫施設在安平今也實其時鑑前豈非明嚴
嚴經略府罇俎集豪英千營飽而嬉萬馬牧在垆相公
黃閣老與國為長城張子美而秀文章博羣經從軍古
云樂知已士所榮感激報恩義當來請長纓

寄聖俞

一作因馬察院至云見聖
俞於城東輒書長韻奉寄

凌晨有客至自西為問詩老來何稽京師車馬曜朝日

何用擾擾隨輪蹄，面顏憔悴暗塵土。文字光彩垂虹霓，
空腸時如秋蚓叫。苦調或作寒蟬嘶，語言雖巧身事拙。
捷徑恥蹈行非迷，我今俸祿飽餘賸。念子朝夕勤鹽齏，
舟行每欲載米送汴水。六月乾無泥，乃知此事尚難必。
何況仕路如天丹一作梯，朝廷樂善得賢衆。臺閣後彥聯
簪屨，朝陽鳴鳳為時出一枝。豈惜容其棲，古來磊落材
與知窮達有命理，莫齊悠悠百年一瞬息。俯仰天地身
醯雞，其間得失何足校。况與鳧鶩爭稗梯，憶在洛陽年

各一作各年少對花把酒傾玻璃二十年間幾人在在者憂

患多垂睽我今三載病不飲眼眇不辨駟與驪壯心銷

盡憶閒處生計易足纔疏畦優游琴酒逐漁釣上下林

壑相攀躋及身強一作壯健姑為樂莫待衰病須扶攜行

當買田清潁上與子相伴把鋤犁

有馬示徐無黨

吾有千里馬毛骨何蕭森疾馳如奔風白日無留陰徐
驅當大道步驟中五音馬雖有四足遲速在吾心六轡

應吾手調和如瑟瑟琴東西與南北高下山與林惟意所欲適九州可周尋至哉人與馬兩樂不相侵伯樂識其外徒知價千金王良得其性此術固已深良馬須善馭吾言可為箴

天辰

天形如車輪晝夜常不息三辰隨出沒曾不差分刻

一本

有具行一何勤乾
健貴於易兩句

北辰居其所帝座嚴尊極衆星拱而

環大小

一作
大小

各有職不動以臨之任德不任力天辰主

下土萬物由生殖一動與一靜同功而異域惟王知法
此所以治萬國

再和聖俞見荅

兩畿相望東與西書來三日猶為稽短篇投子譬瓦礫
敢辱報之金裹蹄文章至寶被埋沒氣象往往干雲霓

飛黃伯樂不世

一作並

出四顧驥首空長嘶嗟哉我豈敢

能

一作

知子論詩

經一作

賴子初指迷子言古淡有真味太

美豈須調以蓋憐我區區欲彊學跛鼈曾不離污泥問

子初何得臻此豈能直到無階梯如其所得自勤苦何
憚入海求靈犀周旋二紀陪唱和九翼每竝鸞皇棲有
時爭勝不量力何異弱魯攻彊齊念子京師苦憔悴經

年陋巷聽朝

音潮一作晨

雞兒啼妻噤

一作嘻

午未飯得米寧

擇糝與稊石上紫豪

一作毫

家故有剡藤瑩滑如玻瓈追

惟平昔念少壯零落生死嗟分睽一揮累紙恣奔放駿

一作有

若駕駱仍驂驪腹雖朽虛氣豪橫猶勝諂笑病夏

畦名聲不朽豈易得仕宦得路終當躋年來無物不可

愛花發有酒誰同攜問我居留亦何事方春苦旱憂民
犁

感春雜言

一本題下有
和呂公著

鳴鳩兮屋上雀噪兮簷間百鳥感春陽有如動機關雄
雌相呼和日夕聒聒不得閒砌下兩株樹枯條有誰攀
春風一夜來花葉何斑斑乃知天巧奪人力能使枯木
生紅顏奈何人為萬物靈不及草木與飛翾自從春來
何所覺但怪睡美不覺白日高南山行逢百花不著眼

豈念四氣如回環却思年少憶一作念前事雖有駟駿難

追還奈何來日尚可樂曾不勉疆相牽板涿酒如春波

黃金為誰慳人生一世中一步一作笑百險艱俟河之清

不可得聊自歌此譏愚頑

廬山高贈同年劉中允歸南康

廬山高哉幾千仞兮根盤幾百里巖然屹立乎長江長

江西來走其下是為揚瀾左里一作蘇兮洪濤巨浪日夕

相舂撞雲消風止水鏡淨泊舟登岸而遠望兮上摩青

蒼

一作雲霄

以晡靄下壓后土之鴻厓試往造乎其間兮攀

緣石磴窺空磴千巖萬壑響松檜懸崖巨石飛流淙水
聲聒聒亂人耳六月飛雪灑石砭仙翁釋子亦往往而
逢兮吾嘗惡其學幻而言詭但見丹霞翠壁遠近映樓
閣暮鼓晨鐘杳靄羅幡幢幽花野草不知其名兮風吹
露濕香澗谷時有白鶴飛來雙幽尋遠去不可極便欲
絕世遺紛疵羨君買田築室老其下插秧盈疇兮釀酒
盈缸欲令浮嵐暖翠千萬狀坐卧常對乎軒窓君懷磊

矻有至寶世俗不辨珉與玳策名為吏二十載青衫白
首困一邦寵榮聲利不可以苟屈兮自非青雲白石有
深趣其氣兀硯何由降丈夫壯節似君少嗟我欲說安
得巨筆如長杠

送徐生

一作徐
無黨

之澠池

河南地望雄西京相公好賢天下稱吹噓死灰生氣燄
談笑暖律回嚴凝曾陪罇俎被顧盼羅列臺閣皆名卿
一作徐徐生南國後來秀得官古縣依峭陵脚靴手板實

卑賤賢雋未可吏事繩搗文百篇赴知己西望未到氣
已增我昔初官便伊洛當時意氣尤驕矜主人樂士喜
文學幕府最盛多交朋園林相映花百種都邑四顧山
千層朝行綠槐聽流水夜飲翠幙張紅燈爾來飄流二
十載鬢髮蕭索垂霜冰同時並遊在者幾舊事欲說無
人應一作磨文章無用等畫虎名譽過耳如飛蠅榮華萬
事不入眼憂患百慮來填膺羨子年少一作少年正得路有
如扶桑初日昇名高場屋已得雋世有龍門今復登出

門相送親與友何異
離鷗瞻雲鵬嗟吾筆硯久已格感
激短章一作章句因子興

葛氏鼎

一本有歌字

大河昔決東南流蕭條東郡今遺湫
我從故老問其由云古五鼎藏高丘
地靈川秀草木稠鬱鬱佳氣蒸常浮
惟物伏見數有周祕藏竒怪神所搜
天昏地慘鬼哭幽至寶欲出風雲愁
蕩搖山川失維陬九龍大戰驅蛟虬
剗然岸裂轟雲轟滑人夜驚鳥嘲啁
婦走抱兒扶白頭

蒼生仰叫黃屋憂聚徒百萬如虻蚋千金一掃隨浮漚
天旋海沸動九州此鼎始出人間留滑人得之不敢收
竒模古質非今侔器大難用識者不以示世俗遭擲撇
明堂會朝饗諸侯饗官百品供王羞調以五味烹全牛
時有用捨吾無求二三子學雕琳球見之始驚中歎愀
披荒斲古爭窮蒐苦語難出聲呶嘍馬圖出河龜

一作龍

負疇自古怪說何悠悠嗟吾老矣不能休勉彊作詩慙
效尤

太白戲聖俞

一作讀李白集效其體

開元無事

一作太平

二十年五兵不用太白閒太白之精下

人間李白高歌蜀道難蜀道之難難於上青天李白落

筆生雲烟千竒萬險不可攀却視蜀道猶平川宮娃扶

來白已醉醉裏詩成醒不記忽然

一作來

乘興登山龍

咆虎嘯松風寒山頭婆婆弄明月九域塵土

一作下看塵世

悲

人寰吹笙飲酒紫陽家紫陽真人駕雲車空山流水空

流花飄然已去凌青霞下看

一作堪笑

區區郊與島螢飛露

濕吟秋草

邊戶

家世為邊戶年年戒不虞
兒童僮習鞍馬婦女能彎弧
邊塵朝夕起敵騎蔑如無
邂逅輒相射殺傷兩常俱自從
澶州盟南北結歡娛雖云免
戰鬥兩地供賦租將吏戒
生事廟堂為遠圖身居界河上
不敢界河漁

梅聖俞寄銀杏

一作和聖俞銀杏
見寄代書之作

鷺毛贈千里所重以其人
鴨脚雖百箇得之誠可珍
問

予得之誰詩老遠且貧霜野摘林實京師寄時新封包
雖甚微採掇皆躬親物賤以人貴人賢棄而淪閒絨重
嗟惜詩以報慙慙

與子華原父小飲坐中寄同州江十學士休復

歲晚忽不樂相過偶乘閒百年纔幾時一笑得亦艱有
酒醉嘉客無錢買嬌鬟問予官何為侍從聯朝班朝廷
多賢才何用蒯與管白髮垂兩鬢黃金腰九環奈何章
綬榮飾此木石頑於國略無補有慚常在顏幸蒙二三

友相與文字間江子獨捨我一作是高鴻去難攀秋風動

沙苑郡閣當南山吟咏日多暇詔條寬可頒寒雲雪一作

暮紛糝幽鳥春綿蠻勝事日向好思君何時還

述懷

歲律忽其周陰風慘遼窶孤懷念時節朽質驚衰病憶
始來京師街槐綠方映清霜一以零衆木少堅勁物理
固如此人生寧久盛當時不樹立後世猶譏評顧我實
孤生飢寒談孔孟壯年尤勇為刺口論時政中間蒙選

擢官實居諫諍豈知身愈危惟恐職不稱十年困風波
九死出檻穽再生君父恩知報大馬性歸來見親識握
手相弔慶丹心皎雖存白髮生一作日已迸慙無羽毛彩

來與鸞鳳並鍛翮追羣翔孤唳驚衆聽嚴嚴玉堂署清
禁肅而靜職業愧論思文章慙誥命厚顏難久居歸計
無荒徑偷閒就朋友笑語雜嘲詠歡情雖索寞得酒猶
豪橫羣居固可樂寵祿尤難幸何日早收身江湖一漁

艇

和劉原父澄心紙

一作奉賦
澄心堂紙

君不見曼卿子美真竒才久已零落埋黃埃子美生窮
死愈貴殘章斷藁如瓊瑰曼卿醉題紅粉壁壁粉已剝
昏烟煤河傾崑崙勢曲折雪壓太華高崔嵬自從二子
相繼沒山川氣象皆低摧君家雖有澄心紙有敢下筆
知誰哉宣州詩翁餓一作飢欲死黃鵠折翼鳴聲哀有時
得飽好言語似聽高唱傾金罍二子雖死翁猶在老手
尚能工翦裁奈何不寄反示我如棄正論求能詆嗟我

今衰不復昔空能把卷闔且開百年干戈流戰血一國
歌舞今荒臺當時百物盡精好往往遺棄淪蒿萊君從
何處得此紙純堅瑩賦卷百枚官曹執事喜

一作樂

閒暇

臺閣唱和相追陪文章自古世不乏間出安知無後來

文忠集卷五

欽定四庫全書

文忠集卷六

宋 歐陽修 撰

居士集六

古詩二十五首

奉使契丹道中答劉原父桑乾河見寄之作

憶昨初受命同下紫宸朝
問君當何之笑指北斗杓
共念到幾時春風約回鑣
所持既異事前後忽相遼
歲月

坐易

一作若

失山川行知遙回頭三千里雙闕在紫霄我

老倦鞍馬安能事吟嘲君才綽有餘新句益

一作亦

飄飄

前日逢呂郭解鞍憩山腰僮僕相問喜馬鳴亦蕭蕭出
君桑乾詩寄我慰寂寥又喜前見君相期駐征軺雖知
不久留一笑樂亦聊歸路踐冰雪還家脫狐貂君行我
即至春酒待相邀

書素屏

我行三千里何物與我親念此尺素屏曾不離我身曠

野多黃沙當午白日昏風力若牛弩飛沙還射人暮投
山椒館休此車馬勤開屏置牀頭輾轉夜向晨臥聽穹
廬外北風驅雪雲勿愁明日雪且擁狐貂溫君命固有
嚴羈旅誠苦辛但苟一夕安其餘非所云

馬齧雪

馬飢齧雪渴飲

一作
行路

冰北風卷地來

一作
寒

崢嶸馬悲躑

躑人不行日暮途遠千山橫我謂行人止歎聲馬當勉
力無悲鳴白溝南望如掌平十里五里長

一作長
亭與

短亭

臘雪銷盡春風輕火燒原頭青草生遠客還家紅袖迎
樂哉人馬歸有程男兒雖有四方志無事何須一作煩勤

遠征

風吹沙

一本題上有北字

北風吹沙千里黃馬行确犖悲摧藏當一作窮冬萬物慘

顏一作無色冰雪射日生一作爭光芒一年百日風塵道安

得朱顏長美好據鞍鞭一作起馬行勿遲酒熟花開二

月時

重贈劉原父

一作憶昨
呈劉原夫

憶昨君當使北時我往別君飲君家愛君小鬟初買得
如手未觸新開花醉中上馬不知夜但見九陌燈火人
諠譁歸來不記與君別酒醒起坐空咨嗟自言我亦隨
往矣行即逢君何恨邪豈知前後不相及歲一作日月忽
忽行無涯古北嶺口踏新雪馬孟山西看落霞風雲一作

雪暮慘失道路礧谷夜靜聞磨麿行迷方嚮但看日度

盡山險方逾

一作行

沙客心漸遠誠易感見君雖晚喜莫

加我後君歸祗

一作纒

十日君先躍馬未足誇新年花發

見回鴈歸路柳暗藏嬌鴉而今

一作今來

春物已爛慢念昔

草木冰未芽人生每苦勞事役老物尚能憐物華從今
有暇即相過安得載酒長盈車

贈沈遵

一作贈沈博士歌并序

一本序云予昔於滁州作醉翁亭於琅琊山有記
刻石往往傳人間太常博士沈遵好奇之士也聞
而往遊焉愛其山水歸而以琴寫之作醉翁吟一
調惜不以傳人者五六年矣去年冬予奉使契丹
沈君會予恩冀之間夜闌酒半出琴而作之予
既嘉君之好尚又愛其琴聲乃作歌以贈之

羣動夜息浮雲陰沈夫子彈醉翁吟醉翁吟以我名我

初聞之喜且驚宮聲三疊何泠泠酒行暫止四座傾

本一

有為君屏百慮各
以兩耳聽兩句

有如風輕日暖好鳥語夜靜山響春

泉鳴坐思千巖萬壑醉眠處寫君三尺膝上橫沈夫子

恨君不為醉翁客不見翁醉

一作
醉翁

山間亭翁歡不待絲

與竹把酒終日聽泉聲有時醉倒枕谿石青山白雲為

枕屏花間百鳥喚不覺日落山風吹自醒

一本有沈夫
子君過滁陽

今幾時滁人皆喜醉翁醉至今人人能道之
長記山間逢太守藍輦酌酎插花歸六句

我時四十

猶彊力自號醉翁聊戲客爾來憂患十年間

一本客字下作爾來

纔十年遇酒飲不得軒裳外飾誠可榮

鬢髮未老嗟先白滁人思我雖未

忘見我今應不能識沈夫子愛君一樽復一琴萬事不

可干其心自非曾是醉翁客莫向俗耳求知音

一本末兩句作

高懷所得貴自適俗耳何用求知音可笑人生不飲酒惟知白首懋黃金

答聖俞

一本題下有高車見過

人皆喜詩翁有酒誰肯一醉之嗟我獨無酒數往從

一作

就翁何所為翁居南方我北走世路離合安可期汴渠

千艘日上下來及水門猶未知五年不見勞夢寐三日
始往何其遲城東賺河有名字萬家弃水為汙池人居
其上苟賢者我視此水猶連漪入門下馬解衣帶共坐
習習清風吹溼薪熒熒煮薄茗四顧壁立空無遺萬錢
方丈飽則止一瓢飲水樂可一作何涯况出新詩數十首

珠璣大小光陸離他人欲一不可有一作得君家筐篋滿

莫持才大一作多名高乃富貴豈比金紫飽愚癡貴賤同

為一丘土聖賢獨一作長如星日垂道德內樂不假物猶

一作所

須朋友并良時蟬聲漸已變秋意得酒安問醇與
醜玉堂官閒無事業親舊辛可從其私與翁老矣會有
幾當弃百事勤追隨

感興五首

奉祠嚴秘館攝事罄精誠歲晏悲木落天寒聞鶴鳴念
昔丘壑趣豈知朝市情弱齡嬰仕宦壯節慕功名多病
慙厚祿早衰歎餘生未知犬馬報安得遂歸耕懷祿不
知慙人雖不吾責貧交重意氣握手猶感激煌煌腰間

金兩鬢颯已白有生天地間壽考非金石古人報一飯
君子不苟得憂來自悲歌涕淚下沾臆

清夜雖云長白日亦易晚循環百刻中勢若丸走坂盈
虧自相補得失何足算餐霞可延年飲酒誠自損未知
辛苦長孰若適意短二者一何偷百年皆不免

顏回不著述後世存愈遠聖賢非虛名惟善為可勉仕

宦布寸祿庶無飢寒迫讀書事

一作

文章本以代耕織

學成頗自喜祿厚愈多責挾山以趨海事有非其力君

子貴量能無輕食人食

唧唧復唧唧夜歎曉未息蟲聲急愈尖病耳聞若刺壯
士易為老良時難再得日月相隨東天行自西北二者
不相謀萬古無窮極安知人間世歲月忽已易

吳學士石屏歌

一作和張生鷄
樹屏一無和字

晨光入林衆鳥驚
膈膊羣飛鴉亂鳴
穿林四散投空去
黃口巢中飢待哺
雌者下啄雄高盤
雄雌相呼飛復還
空林無人鳥聲樂
古木參天枝屈蟠
下有怪石橫樹一作

其間烟埋草沒苔蘚斑借問此景誰圖寫乃是吳家石

屏者號公劔山取山骨朝鏡暮斲非一日萬象皆從石

中出吾嗟人愚不見天地造化一作造物之初難乃云萬物

生自然豈知鐫鏡刻畫醜與妍千狀萬態不可殫神愁

鬼泣晝一作日夜不得閒不然安得巧工妙手億心竭思

不可到若無若有縹渺生雲烟鬼神功成天地惜藏在

號山深處石惟人有心無不獲一作乃知人為天地賦天地雖神

一作公藏不得又疑鬼神好勝憎吾儕欲極奇怪窮吾

才乃

一作故

傳張生自西來吳家學士見且啗醉點紫毫

淋墨煤君才自與鬼神鬪嗟我老矣安能陪

初食車螯

一本題上
云京師

累累盤中蛤來自海之涯坐客初未識食之先歎嗟五

代昔乖隔九州如剖瓜東南限淮海邈不通夷華於

一作

于時北州人飲食陋莫加雞豚為異味貴賤無等差自

從聖人出天下為一家南產錯交廣西珍富邛巴水載

每連軸陸輸動盈車谿潛細毛髮海怪雄鬚牙豈惟貴

公侯間巷飽魚鰕此蛤今始至其來何晚邪螿蛾聞二

名

車螿一名車蛾

久見南人誇璀璨殼如玉斑斕點生花含漿

不肯吐得火遽已呀共食惟恐後爭先屢成譁但喜美
無厭豈思來甚遐多慙海上翁辛苦斲泥沙

送裴如晦之吳江

一本無下三字注云席上分得已字

雞鳴車馬馳夜半聲未已皇皇走聲利與日爭寸晷而
我獨何為閒晏奉君子京師十二門四方來萬里顧吾
坐中人暫聚浮雲爾念子一扁舟片帆如鳥起文章富

千箱利祿求斗米白玉有時沽青衫豈須耻人生足憂
患合散乃常理惟應當歡時飲酒如飲水

盤車圖

一本上題和聖俞
下注呈楊直講

淺山嶙嶙亂石轟轟山石礮聲車碌碌山勢盤斜隨澗
谷側轍傾轆如欲覆出乎兩崖之隘口忽見百里之平
陸坡長坂峻牛力疲天寒日暮人心速楊生忍飢官大
學得錢買此纔盈幅愛其樹老石硬山回路轉高下曲
直橫斜隱見妍媸向背各有態遠近分毫皆可辨自言

昔

一作古

有數家筆畫古

一作久

傳多名姓失後來見者知

謂誰乞詩梅老聊稱述古畫畫意不畫形梅詩詠物無隱
情忘形得意知者寡不若見詩如見畫乃知楊生真好
奇此畫此詩兼有之樂能自足乃一作即為富豈必金玉
名高貲朝看畫暮讀詩楊生得此可不飢

答梅

一作和無梅字

聖俞莫登樓

在禮部貢院

進士上元夜作

莫登樓樂哉都人方競遊樓闕夜氣春烟浮玉輪東來
從海隄纖靄洗盡當空留燈光月色爛不收火龍銜山

祝千秋緣竿踏索雜幻優鼓喧管咽耳欲咻清風嫋嫋

夜悠悠瑩蹄文

一作輪蹄交

角車如流媿姹扶欄車兩頭髮

髦垂鬢嬌未羞念昔年少追朋儔輕衫駿馬今則不中
年病多昏兩昨夜視曾不如鴝鷓足雖欲往意已休惟
思睡眠擁衾裯人心利害兩不謀春陽稍愆天子憂安
得四野陰雲油甘澤以時豐麥麩遊騎踏泥非我愁

答聖俞莫飲酒

此已下皆貢院中作

子謂莫飲酒我謂莫作詩花開木落蟲鳥悲四時百物

亂我思朝吟搖頭暮感眉雕肝琢腎聞退之此翁此語
還自違豈如飲酒無所知自古不飲無不死惟有為善

不可遲

一作遺

功施當世聖賢事不然文章千載垂其餘

酩酊一罇酒萬事崢嶸皆可齊腐腸糟肉兩家說計較
屑屑何其卑死生壽夭無足道百年長短纔幾時但飲
酒莫作詩子其聽吾言非癡

思白兔雜言戲答公儀憶鶴之作

君家白鶴白雪毛我家白兔白玉毫誰將贈兩翁謂此

二物皎潔勝瓊瑤已憐野性易馴擾復愛仙格何孤高
玉兔四蹄不解舞不如雙鶴能清嘯低垂兩翅趨節拍

一作
拍節

婆娑弄影誇矯矯兩翁念此二物者久不見之心

甚勞京師少年殊好尚意氣橫出爭雄豪清樽美酒不
輟飲千金爭買紅顏韶莫令少年聞我語笑我乖僻遭
譏嘲或被偷開兩家籠縱此二物令逍遙兔奔滄海却
入明月窟鶴飛玉山千仞直上青松巢索然兩衰翁何
以慰無慘纖腰綠鬢既非老者事玉山滄海一去何由

招

戲答聖俞

鶴行而啄青玉觜枯松脚兔蹲而累尖兩耳攢四蹄往
往於人家高堂淨屋

一作室

曾見之錦裝玉軸掛壁垂乍

見拭目猶驚疑羽毛褻褫眼睛活若動不動如風吹主
人矜誇百金買云此絕筆人間奇畫師畫生不畫死所
得百分三二爾豈如翫物翫其真凡物可愛惟精神况
此二物物之珍月光臨靜夜雪色凌清晨二物於此時

瑩無一點纖埃塵不惟可醒醉翁醉能使詩老詩思添
清新醉翁謂詩老子勿謂我愚老弄兔兒憐鶴雛與子
俱老其衰乎奈何反捨我欲向一作去東家看舞姝須防
舞姝見客笑白髮蒼顏君自照

和梅龍圖公儀謝鵬

有詩鶴勿喜無詩鶴勿悲人禽固異性所趣各有宜朝
戲青竹林暮棲高樹枝啣吻山鹿鳴格磔野鳥啼聲音
不相通各以類自隨使鶴居籠中垂頭以一作似聽詩鷄

鷓享鐘鼓魚鳥見西施鷓鶴不宜爭所爭良可知蚍蜉
與蟻子為物固已微當彼兩交鬪勇如聞鼓擊有心皆
好勝未免爭是非於我一何薄於彼一何私欄檻啄花
卉叫號驚睡兒跳踉兩脚長落泊雙翅垂何足充翫好
於何定妍媸鷓口不能言夜夢以告之主人起謝鷓從
我今幾時僮奴謹守護出入煩提攜道遙棲息飲啄
安雄雌花底弄日影風前理毛衣豈非主人恩報效爾
宜思主人今白髮把酒無翠眉養鷓鷓又妬我言堪解

顧

和聖俞感李花

昨日摘花初見桃今日摘花還見李
晴風暖日苦相催春物所餘知有幾
中年多病壯心衰對酒思歸未得歸
不及牆根花與草春來隨處是芳菲

折刑部海棠戲贈聖俞二首

搖搖牆頭花笑笑弄顏色荒涼衆草間
露此紅的皦草木本無情及時如自得
青春不可恃白日忽已昃繞之

重吟哦歸坐成歎息人生浪自苦得酒且開釋不見宛
陵翁詩頭早早白

搖搖牆頭花艷艷爭青蛾朝見開尚少暮看繁已多不
惜花開繁所惜時節過昨日枝上紅今日隨流波物理
固如此去一作古來知奈何達人但飲酒壯士徒悲歌

刑部看竹效孟郊體

花妍兒女姿零落一何速竹色君子德猗猗寒更綠京
師多名園車馬紛馳逐春風紅紫時見此蒼翠玉凌亂

迸青苔蕭疎拂華屋森森日影閒
濯濯生意足幸此接
清賞寧辭薦芳醪黃昏人去

一作黃昏寂寂
一作寂寂人去

鎖空廊枝

上月明春

一作看

鳥宿

文忠集卷六

欽定四庫全書

文忠集卷七

宋 歐陽修 撰

居士集七

古詩二十二首

贈沈博士歌

遵 一作
醉翁吟

沈夫子胡為醉翁吟
醉翁豈能知爾琴
滁山高絕滁水深
空巖悲風夜吹林
山一作泉溜白玉懸青岑
一瀉萬仞

源莫尋醉翁每來喜登臨醉倒石上遺其簪雲荒石老

歲月侵子有三尺徽

一作

黃金寫我幽思窮崎嶇自言

愛此萬仞水謂是太古之遺音泉淙石亂到不平指下

嗚咽悲人心時時弄餘聲言語軟滑如春禽嗟乎沈夫

子爾琴誠工彈且止我昔被謫居滁山名雖一作為翁

雖名

實少年坐中醉客誰最賢杜彬琵琶皮作絃自從彬死

世莫傳玉練鎖

東坡詩云新客從翻玉連鎖練疑當作連

聲入黃泉死生聚

散日零落耳冷心衰翁索寞國恩未報慙祿厚世事多

虞嗟力薄顏摧鬢改真一翁心以一作已憂醉安知樂沈
夫子謂我翁言何苦悲人生百年間飲酒能幾時攬衣
推琴起視夜仰見河光西南移

和聖俞李侯家鴨脚子

鴨脚生江南名實未相浮絳囊因入貢銀杏貴中州致
遠有餘力好奇自賢侯因令江上根結實夷門秋始摘
纔三四金奩獻凝梳公卿不及識天子百金酬歲久子
漸多纍纍枝上稠主人名好客贈我比珠投博望昔所

徙蒲萄安石榴想其初來時厥價與此侔今也徧中國
籬根及牆頭物性久雖在人情逐時流惟當記其始後

世知來由是亦史官法豈徒續君謳

京師無鴨脚樹駙馬都尉李和文自

南方移植其地

送吳生南歸

一作送吳孝京字子京

自我得曾子於今二十年今又得吳生既得歡且歎古
士不並出百年猶比肩區區彼江西其產多材賢吳生
初自疑所擬豈其倫我始見曾子文章初亦然崑崙傾

黃河渺漫盈百川決疏以道

一作導

之漸斂收橫瀾東溟

知所歸識路到不難吳生始見我袖藏新文篇

一作編

從布褐中百寶寫

一作瀉

我前明珠雜璣貝磊砢或不圓

問生久懷此奈何初不聞吳生不自隱欲吐羞俛顏少

也不自重不為鄉人憐中雖知自悔學問苦賤貧自謂

久而信力行困彌堅今來決疑惑幸冀蒙洗滌我笑謂

吳生爾其聽我言世所謂君子何異於衆人衆人為不

善積微成滅身君子能自知改過不逡巡惟於斯二者

愚智遂以分顏回不二顧後世稱其仁孔子過而更日
月披浮雲子路初來時雞冠被毆豚斬蛟射白額後卒
為名臣子既悔其往人誰禦其新醜夫事上帝孟子豈
不云臨行贈此言庶可以書紳

樂哉襄陽人送劉太尉從廣

一作景元

赴襄陽

一本無下三字

景元
蓋字

嗟爾樂哉襄陽人萬屋連甍清漢濱語言輕清微帶秦
南通交廣西域岷羅縠織麗藥物珍枇杷柑橘薦清樽

磊落金盤爛磷磷槎頭縮項昔所聞黃橙擣

一作橙
擣新

香復辛春雷動地竹根走錦苞玉筍味爭新鳳林花發

南山春掩映谷口藏山門樓臺金碧瓦鱗鱗峴首高亭

倚浮雲漢水如天瀉沅沅斜陽返照白鳥羣兩岸桑柘

雜耕耘文王遺化已寂寞千載復思其仁仁荊州漢魏

以來重古今相望多名臣嗟爾樂哉襄陽人道扶白髮

抱幼孫遠迎劉侯朱兩

一作
望朱

輪劉侯年少氣甚淳詩書

學問若寒士樽俎談笑多嘉賓往時邢沼

一作
臺

有善政

至今遺愛留其民誰能持我詩以往為我先賀襄陽人

奉酬揚州劉舍人見寄之作

原父一作酬
劉原父見寄

別君今幾時歲月如插羽悠悠寢與食忽忽朝復暮紛
紛竟何為凜凜還自懼朝廷無獻納倉廩徒耗蠹風霜
苦見侵衰病日增故江河豈不思懇悃布已屢美哉廣
陵公風政傳道路優游侍從臣左右天子顧君來一何
遲我請亦有素何當兩還分尚冀一相遇把手或未能
尺書幸時寓

西齋手植菊花過節始開偶書奉呈聖俞

秋風吹浮雲寒雨灑清曉鮮鮮牆下菊顏色一何好好
色豈能常得時仍不早文章損精神何用覩天巧四時

悲代謝萬物惜凋槁豈知寒檻中兩鬢甚秋草東城彼

詩翁學問同少

一作
年

小風塵世事多日月良會少我有

一樽酒念君思共倒上浮黃金蕊送以清歌裊為君發
朱顏可以却君老

於劉功曹家見楊直講褒女奴彈琵琶戲作呈聖

俞

大絃聲遲小絃促十歲嬌兒彈琢木啄木不啄新生枝

惟啄槎牙

一作牙槎

枯樹腹花繁蔽日鎖空園樹老參天杳

深谷不見啄木鳥但聞啄木聲春風和暖百鳥語山路

磽确行人行啄木飛從何處來花間葉底時丁丁林空

山靜啄愈響行人舉頭飛鳥驚嬌兒身小指撥硬功曹

廳冷絃索鳴繁聲急節傾四坐為爾飲盡黃金觥楊君

好雅心不俗太學官早飯脫粟嬌兒兩幅青布裙三脚

木牀坐調曲竒書古畫不論價盛以錦囊裝玉軸披圖
掩卷有時倦臥聽琵琶仰看屋客來呼兒旋梳洗滿額
花鈿貼黃菊雖然可愛眉目秀無奈長饑頭頸縮宛陵
詩翁勿謂渠人生自足乃為娛此兒此曲翁家無

長句送陸子履學士通判宿州

一本作
亳州非

古人相馬不相皮瘦馬雖瘦骨法竒世無伯樂良可嗤
千金市馬惟市一作其肥騏驥伏櫪兩耳垂夜聞秋風仰
秣嘶一朝絡以黃金羈旦刷一作發吳越暮燕陸丈夫可

憐憔悴時世俗庸庸皆見遺子履自少聲名馳落筆文章天下知開懷吐胸不自疑世路迫窄多穿機鬢毛零落風霜推十年江湖千首詩歸來京國舊遊非大笑相逢索酒卮酒酣猶能弄蛾眉山川搖落百草腓愛君不改青松枝念君明當整駮駢贈以瑤華期早歸豈惟朋友相追隨坐使臺閣生光輝

送公期得假歸絳

風吹積雪銷太行水暖河橋楊柳芳少年初仕即京國

故里幾歸成鬢霜
山行馬瘦春泥滑
野飯天寒餉粥香

留連芳

一作風物

佳節過東帶還來朝未央

送宋次道學士赴

一作求知

太平州

敏求

古堤老柳藏

一作楊柳排

春烟桃花水下清明前
江南太守

見之笑擊鼓插旗催解船

一作打鼓插旗催發船

侍中令德宜有

後學士清才方少年
文章秀粹得家法
筆畫點綴多餘

一作通

妍藏書萬卷復強記
故事累朝能口傳
來居侍從

乃其職遠置州郡誰謂

本多作為

然交遊一時盡英

一作豪

俊

車馬兩岸來，聯翩船頭朝。轉暮千里有，酒胡不為一作不

留連

謝觀文王尚書惠西京牡丹

舉正

京師輕薄兒，意氣多豪俠。爭誇朱顏事，年少肯慰白髮。

將花插尚書好事，與俗殊憐我。霜毛苦蕭颯，贈以一作寄贈

洛陽花滿盤。鬪麗爭奇紅紫雜，兩京相去五百里。幾日

馳來足，何捷紫檀金粉香。未吐綠萼紅苞露，猶浥謂我

嘗為洛陽客。頗向此花曾涉獵，憶昔進士初登科。始事

相公沿吏牒河南官屬盡賢俊洛城池

一作苑

籩相連接

我時年纔二十餘每到花開如蛺蝶姚黃魏紫腰帶鞞
潑墨齊頭藏綠葉鶴翎添色又其次此外雖妍猶婢妾
爾來不覺三十年歲月纔如熟羊胛無情草木不改色
多難人生自摧拉見花了了雖舊識感物依依幾杖屨
念昔逢花必沽酒起坐驩呼屢傾盃而今得酒復何為
愛花繞之空百匝心衰力懶難勉彊與昔一何殊勇怯
感公意厚不知報墨筆淋漓口徒囁

送朱職方提舉運鹽

一本表臣

齊人謹

一作建

鹽筴伯者之事爾計口收其餘登耗以生

齒民充國亦富彙若有條理惟

一作雖

非三王法儒者猶

為耻後世益不然權奪由漢始權量自持操屑屑已甚
矣穴竈如蜂房熬波銷海水豈知戴白民食淡有至死
物艱利愈厚令出姦隨起良民陷盜賊峻法難禁止問
官得幾何月課煩笞箠公私兩皆然巧拙可知已英英
職方郎文行粹而美連年宿與泗有政皆可紀忽來

從辟書感激赴知己閔然哀遠人吐策獻天子治國如

治身四民猶四體奈何窒其一無異鈇斲工作而商

行

一作與商賈

本末相表裏臣請通其流為國掃泥滓金錢

歸府藏滋味飽閭里利害難先言歲月可較比鹽官皆

謂然丞相曰可喜適時乃為才高論徒譎詭夷吾苟今

一作復

出未以彼易此隋堤樹蓼蓼汁水流瀾瀾子行其

勉旃吾黨方傾耳

嘗新茶呈聖俞

建安三千里京師三月嘗新茶人情好先務取勝百物

貴早相矜誇年窮臘盡春欲動蟄雷未起驅龍

一作龍未起驅

蟲虵夜間擊鼓滿山谷千人助叫聲喊呀萬木寒癡睡

不醒惟有此樹先萌芽乃知此為最靈物宜一作疑其獨

得天地之英華終朝採摘不盈掬通犀鈿小圓復窈鄙

哉穀雨槍與旗多不足貴如刈蔴建安太守急寄我香

菊包裹封題斜泉甘器潔天色好坐中揀擇客亦嘉一作

佳新香嫩色如始造不似來遠從天涯停匙側盞試水

路拭目向空看乳花可憐俗夫把金錠

一作挺一作錠
茶錄多用挺字

為古按集韻錠字去聲訓
錠字上聲訓銅鐵撲

猛火炙背如蝦蟆由來真物

有真賞坐逢詩老頻咨嗟須臾共起索酒飲何異奏雅
終淫哇

次韻再作

一本云
茶歌

吾年向老世味薄所好未衰惟飲茶建谿苦遠雖不到
自少嘗見閩人誇每啜江浙九茗草叢生狼籍惟藏蛇
今江浙茶園
俗言多蛇 豈如含膏入香作金餅蜿蜒兩龍戲以呀

其餘品第亦奇絕愈小愈精皆露芽泛之白花如粉乳
乍見紫面生光華手持心愛不欲碾有類弄印幾成窠
論功可以療百疾輕身久服勝一作胡麻我謂斯言頗

過矣其實最能祛睡邪茶官貢餘偶分寄地遠物新來

意佳親烹屢酌不知厭自謂此樂真一作無涯未言久

食成手顫已覺疾飢一作生眼花客遭水厄疲捧椀口

吻無異蝕月暮僮奴傍視疑復笑嗜好乖僻誠堪嗟更

蒙酬句恠可駭兒曹助噪聲哇哇

樂郊詩

為劉元甫作一本注
原甫鄆州東園也

樂郊何所樂所樂從公遊三日公不出其民感然愁一
聞車馬音從者如雲浮吾問鄆之人無乃失業不云惟
安其業然後樂其休樂郊何所有胡不考公詩有山在
其東有水出透夷有臺以臨望有沼以游嬉俯仰迷上
下朱欄映清池草木非一種青紅隨四時其餘雖瑣屑
處置各有宜樂郊何以名吾為本其意自古賢哲人所
存非一世當時偶然迹來者因不廢鄆非公久留公去

民孰賴此亭公所登此樹公所憩俾民百年思豈取一

日醉

洗兒歌

為聖俞作一本云前日送酒遂助
洗兒輒短歌更資一笑呈聖俞

月暈五色如虹霓深山猛虎夜生兒虎兒可愛一作光

陸離開眼已有百步威詩翁雖老神骨秀想見嬌嬰目

與眉木星之精為紫氣照山生玉水生犀兒此一作翁不

比他兒翁三十年名天下知材高位下衆所惜天與此

兒聊慰之翁家洗兒衆人喜不一作惜金錢散閭一作隣

里宛陵他日見高門車馬煌煌誰氏子

鳴鳩

崇政殿後
考試所作

天將陰鳴鳩逐婦鳴中林鳩婦怒啼無好音天雨止鳩
呼婦歸鳴且喜婦不亟歸

一作
急還

呼不已逐之其去恨不

早呼不肯來固其理吾老病骨知陰晴每愁天陰聞此
聲日長思睡不可得遭爾聒聒何時停衆鳥笑鳴鳩爾
拙固無匹不能娶巧婦以共營家室寄巢生子四散飛
一身有婦長相失夫婦之恩重太山背恩棄義須臾間

心非無情不得已物有至拙誠可憐君不見人心百態
巧且艱臨危利害兩相關朝為親戚暮仇敵自古長嗟
交道難

代鴉婦言

一本注聞士有
欲弃妻者作

斑然錦翼花簇簇雄雌相隨樂不足抱雛出卵翅羽成
豈料一朝還反目人言嫁雞逐雞飛安知嫁鴉被鴉逐
古來有盛必有衰富貴莫忘貧賤時女棄父母嫁一作
婦
曰歸中道捨君何所之天生萬物各有類誰謂鳥獸為

無知雖無仁義有情愛苟聞此言寧不悲

看花呈

一作
有韓

子華內翰

崇政殿後
考試作

老雖可憎還可嗟病眼眵昏愁看花不知花開桃與李
但見紅白何交加春深雨露洗新濯日暖金碧相輝華
浮香著物收不得含意欲吐情無涯可愛踈簾靜相對
最宜落日初西斜時傾賜壺共斟酌及此蜂鳥方諠譁
凡花易見不足數禁籞難到堪歸誇老病對此不知厭
年少何用苦思家

啼鳥

崇政殿後考試
舉人卷子作

提葫蘆提葫蘆不用沽美酒宮

一作官

壺日賜新醪醅老

病足以扶衰朽百舌子百舌子莫道泥滑滑宮花正好

愁雨來暖日方催花亂發苑樹千重綠暗春珍禽綵羽

自成羣花間祇慣迎黃屋鳥語初驚見外人千聲百轉

忽飛去

一作來

枝上自落紅紛紛畫簾陰陰隔宮燭禁漏杳

杳深千門可憐枕上五更聽不似滁州山裏聞

和聖俞

一本二字作入

唐書局後叢莽中得芸香一本之

作用其韻

有芸黃其華在彼衆草中清香濯曉露秀色探春風幸
依華堂陰一顧曾不蒙大雅彼君子偶來從學宮文章

高一世論議

一作
議論

伏羣公多識由博學新篇匪雕蟲唱

酬爛衆作光輝發幽叢在物苟有用得時寧久窮可嗟
凡草木冀壤自青紅

答劉原父舍人見過後中夜酒定復追昨日所覽

雜記并簡梅聖俞之作


君子忽我顧

一作顧我

貧家復何有虛堂來清風佳果薦濁

酒簡編記遺逸論議相可否欲知所書人其骨多已朽

前者既已然後來寧得久所以昔人云杯行莫停手



文忠集卷七